



TOLOSAKO
UDALA

HAUR ETA NERABEEN OPORRALDI GARAICO AISIALDI-ZERBITZUAREN ARAUDIA TOLOSAKO UDALEKO KULTURA, FESTAK ETA GAZTERIA SAILA

Araudi honen helburua udako aisialdi-zerbitzua modu ordenatuan, eraginkorrean eta bidezkoan egitea da. Araudiak argi eta zehatz definitzen ditu arau eta prozedurak, herritarrek eta administrazioak jakin dezaten zeintzuk diren bakoitzaren betebeharrak eta eskubideak.

XEDAPEN OROKORRAK

1. Arauaren xedea

Programa honen xedea da Tolosako haur eta nerabeen udako oporraldi garaiko aisialdi-zerbitzua erregulatzea.

2. Esparru subjektiboa/Zerbitzuaren onuradunak

1. Aisialdi-eskaintzan, urte horretan Tolosan erroldatutako 6 eta 14 urte bitarte betetzen dituzten haur eta nerabeek parte hartu ahal izango dute.

2. Aisialdi-eskaintza adin tarte hauen arabera banatuko da;

- a) 6 -10 urte bitarteko adin-tartea.
- b) 11- 14 urte bitarteko adin-tartea.

3. Arauaren hartzaileak

Araudi hau udako oporraldietako aisialdi-eskaintzan parte hartuko duten 6-14 urte bitarteko gazteei zuzenduta dago.

XEDAPEN ESPEZIFIKOAK

1. Araudiaren helburu espezifikoak

Honako hauek dira zerbitzuaren helburu espezifikoak:

- a) Haur eta nerabeekin aisialdi hezitzailea eta erakargarria antolatzea, bizi-esperientzia berriak eraikiz.
- Haur eta nerabeei benetan parte hartzeko eta erabakitzeko ahalmena ematea. Eurek eraikitako aisia hezitzailea sustatzea.
- Haur eta nerabeen arteko harreman osasuntsu, justu eta asegarriak jostea.
- Haurrak eta nerabeak bere osotasunean garatzeko bitartekoa izatea.
- Haurrak eta nerabeak ahalduntzea eta burujabe izaten ikastea. Autoestimua eta motibazioa lantzea.
- Haurrek eta nerabeek askotariko jarduera fisiko eta kirol jarduerak probatzea eta ezagutzea.



TOLOSAKO
UDALA

- Haur eta nerabe taldeetan gerta daitezkeen askotariko botere-harreman guztien arteko oreka bilatzea. Bereziki genero artekoak, heldu eta haurren artekoak eta taldearen eta inguru naturalaren artekoak.
- Haurrak eta nerabeak askeagoak egiten dituzten balioekin jolastea; talde-lana, elkarlana, eskuzabaltasuna, errespetua, berdintasuna,...
- Haurren eta nerabeen aniztasuna errespetatzea eta balore gisa lantzea.
- Aisialdi-eskaintza euskaraz garatzea; euskararen erabilera soziala indartzea, bizipen positiboekin lotuz.
- Partaideek herriaren eta bertako eragileen inguruan duten ezagutza areagotzea.
- Tolosako eragileen partaidetza aisialdi-eskaintzan ahalbidetzea.

2. Zaintza-zerbitzua

Aisialdi-eskaintza honen barruan zaintza-zerbitzua eskaini ahalko da, lana eta familia uztartzea izanik helburu. Zerbitzu hau aisialdi-eskaintza hasi aurretik eta aisialdi-eskaintzaren ondoren eman ahal izango da, sortzen diren beharretara egokituta. Izen-emate kanpainan zehaztuko dira zerbitzu honen baldintzak.

3. Eskabideak aurkezteko lekua eta epea

1. Parte hartzeko eskabideak aisialdi-eskaintzari dagokion eredu ofizialean aurkeztu beharko dira aurrez aurre UDATEN, erregistro elektronikoko bidez edo Udalak bereziki ezarriko duen plataforma bidez.

2. Eskabideak aurkezteko epe zehatzak urteroko deialdian zehaztuko dira.

4. Eskabideak eta erantsi beharreko agiriak betetzea.

Ondorengo hauek dira eskaera egiterako garaian aurkeztu beharreko agiriak:

- a) Izen-emate orria, behar bezala beteta eta sinatuta. Eskaera bakoitzak zenbaki korrelatiboa izango du, eta eskatzaile bakoitzari kopia bat emango zaio, esleitutako zenbakiarekin.
- b) Ordezkaritza agiria.
- c) Dokumentuak ofizioz begiratzeari uko egiten badiote, desgaitasunaren zenbatekoa ziurtatzen duen agiria.
- d) Osasun-arazoak dituzten haur eta nerabeen kasuan, euren beharreatatik kontuan izan beharreko egoerarik bada, Udaleko Gazteria zerbitzuarekin zuzenean kontaktatu beharko dute adin-txikien ordezkariak, euren beharrezan jakinarazteko.

5. Eskabideak zuzentzea edo hobetzea

Kultura, Festak eta Gazteria Sailak, 39/2015 legearen 64. artikulua arabera jardungo du, interesdunak 10 eguneko epea izanik akatsak zuzentzeko, edo aurkeztu ez dituen



nahitaezko dokumentuak aurkezteko. Hala egin ezean, eskaeran atzeri egin duela ulertuko dela adieraziko zaio.

6. Aholkularitza

1. Aisialdi-eskaintzari buruzko informazio guztia Tolosako Udalaren webgunean argitaratuko da.
2. Tolosako Udalaren Kultura, Festak eta Gazteria Sailak behar den aholkularitza emango du zerbitzu honi buruzko edozein zalantza edo kontsultaren aurrean, aurrez aurre, telefonoaren bidez edo posta elektronikoko bidez.

7. Plazak esleitzea

1. Plazak behin-behinean esleituko dira. Eskatzaile kopurua eskainitako plazena baino handiagoa bada, esleipenerako zozketa, zenbakiaren arabera egingo da (eskatzaile bakoitzari eskatzaileen behin betiko zerrenda osatutakoan esleitutako zenbakiaren arabera egingo da). Zozketaren eguna eta lekua behin-behineko zerrendarekin batera iragarriko dira. Ondoren, esleitutako plazen zerrenda Tolosako Udalaren webgunean eta iragarki taulan argitaratuko da. Emaizak modu anonimizatuan argitaratu beharko dira, edo sarrera murriztua izan beharko dute, adin-txikien datu-babesa bermatzeko.
2. Aisialdi-eskaintzan eskainitako plaza guztien % 5a gutxienez, % 33ko desgaitasuna edo hortik gora eta/edo ofizialki aitortutako mendetasun-gradua duten adingabeentzat gordeko da.
3. Plazen esleipenak behin betikoak izango dira ordainketak formalizatzen direnean, deialdian ezarritako epean.
4. Ordainketa eta epeak Prezio Publikoen Ordenantzak arautuko ditu.

8. Itxaron-zerrenda

Zozketa egin eta behin-behineko esleipena egin ondoren, plazarik lortu ez duten eskabideak itxaron-zerrendan sartuko dira, zozketaren hurrenkeraren arabera.

9. Kuota. Ordainketa

Tolosako Udaleko Osoko Bilkuran onartutako urteko prezio publikoen arabera izango da kopurua, eta hau deialdian zehaztuko da.

10. Kuotak itzultzea

Prezio publikoak arautzen dituen Ordenantzak ezarriko ditu kuotak itzultzeko baldintzak.

11. Udako aisialdi-eskaintzan parte hartzen dutenek bete beharreko arauak

Aisialdi-eskaintzan parte hartuko dutenek, deialdian jasotako elkarbizitza- eta lankidetzara- arauak bete beharko dituzte. Arau haustek behin baino gehiagotan emango balira, pertsona hori zerbitzutik kanporatua izango da.



12. Hizkuntza irizpideak

Kanpainen eskaintza Tolosako Udalaren hizkuntza irizpideen arabera egingo da.

13. Berdintasun irizpideak

Kanpainen eskaintza Tolosako Udalaren berdintasun irizpideen arabera egingo da.

14. Datuen kontsulta

Administrazio Prozedura Erkidearen urriaren 1eko 39/2015 Legearen 28. artikulua aitortzen du herritarrek eskubidea dutela edozein administraziok egindako dokumentuak ez aurkezteko. Hala, Tolosako Udalak zuzenean kontsultatu edo eskuratu ahal izango ditu dokumentu horiek bere datu-baseetan eta administrazio eskudunean, NISAE elkarreragingarritasun-nodoaren bidez (euskal sektore publikoko administrazio eta erakunde guztientzako plataforma komuna, administrazioen artean datu elektronikoak trukatzeko nodo autonomiko gisa), baldintzak betetzen direla egiaztatze behar den informazioa, eta, bereziki, araudi honetako 4. puntuan adierazitako datuak egiaztatze. Hori horrela izango da, beti ere, interesdunak adostasuna adierazten badu dokumentu horiek Tolosako Udalak zuzenean kontsultatzeko edo ateratzeko. Zehazki, Tolosako Udalak NISAE bidez kontsultatu ahal izango dituen datuak ondorengoak izango dira:

- a) Parte-hartzailearen errolda.
- b) Hala izatekotan, parte-hartzailearen desgaitasun-mailaren ziurtagiria.

15. Udalekuetako parte-hartzaileek bete beharreko arauak

1. Udalekuak bizikidetzarako eta balioak ikasteko espazioak dira eta, horregatik, parte-hartzaileek bizikidetzara eta lankidetzara arau batzuen mende egon behar dute. Parte-hartzailearen batek behin eta berriz urratzen baditu, posible izango da zerbitzutik kanpo uztea.

2. Parte-hartzaileek honako arau hauek hartu beharko dituzte kontuan:

- a) Jarduera guztietan parte hartzea.
- b) Norberaren higiena behar bezala zainduko da.
- c) Telefono mugikorra, musika-erreproduzigailuak (mp3, mp4, etab.), argazki-kamerak edo beste edozein gailu elektroniko erabiltzea mugatuta egongo da, jardueraren garapenean eragozpenak saihesteko.
- d) Parte-hartzaileei beren etxeetara deitzeko aukera emango zaie, behar izanez gero.



TOLOSAKO
UDALA

- e) Gainerako parte-hartzaileak errespetatzea. Ez da onartuko arraza, erlijio, sexu-egoera eta/edo itxura fisikoagatik edo beste edozein baldintza edo egoera pertsonal edo sozialengatik beste lankideei eraso eta/edo min egin diezaiekeen adierazpenik edo jokabiderik.

3. Erakundea ez da arduratuko parte-hartzaileen objektu pertsonalak galtzeaz, hausteaz edo hondatzeaz.

16. Datuen babesa

Deialdi honen xede diren informazioa eta datuak Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoak eta Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduak (datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa eta 95/46/EE Zuzentaraua indargabetzen duena) babesten dituzte.



Sinaduren laburpena / Resumen de firmas

Titulua / Título:

2024IORD0003-Udalekuen araudia-hasiera/Udalekuen araudia-hasiera